

VII. KAFLI

Ýmis ákvæði.

25. gr.

Ríkisútvarpið skal stuðla að almennri menningarþróun og efla íslenska tungu.

Efni á erlendu máli, sem sýnt er í sjónvarpi Ríkisútvarpsins skal jafnan fylgja íslenskt tal eða neðanmálstexti á íslensku, eftir því sem við á hverju sinni. Það skal þó ekki eiga við þegar í hlut eiga erlendir söngtextar eða þegar dreift er viðstöðulaust um gervihnött og móttökustöð fréttum eða dagskrárefni, er sýnir atburði, sem gerast í sömu andrá. Í síðastgreindu tilviki skal að jafnaði fylgja kynning eða endursögn þular.

Allt íslenskt tal og texti í dagskrám Ríkisútvarpsins skal vera á lýtalausum máli.

26. gr.

Ríkisútvarpið skal varðveita í a. m. k. 18 mánuði upptöku af öllu frumsömdu útsendu efni. Þó skal heimilt að varðveita fréttir í handriti. Allt annað útsent efni, þ. á. m. þular- og dagskrárkynningar, skal varðveita í a. m. k. 3 mánuði. Ríkisútvarpinu ber að stuðla að því að frumflutt dagskrárefni stofnunarinnar verði varðveitt til frambúðar.

Skýlt er að láta þeim sem telur misgert við sig í útsendingu, í té afrit upptöku þeirrar útsendingar, ef hann krefst þess skriflega meðan varðveisluskýlda á viðkomandi efni helst, enda greiði hann innkaupsverð mynd- eða hljóðbands þess sem honum er látið í té.

27. gr.

Vanræksla á tilkynningum samkvæmt 20. gr. varðar sektum. Brot gegn öðrum ákvæðum reglugerðar þessarar varðar refsingu samkvæmt lögum.

28. gr.

Reglugerð þessi er sett samkvæmt heimild í 38. gr. útvarpslaga nr. 68/1985 og öðlast þegar gildi.

Menntamálaráðuneytið, 23. júlí 1986.

Sverrir Hermannsson.

Knútur Hallsson.

REGLUGERÐ

um gatnagerðargjöld í Egilsstaðahreppi, Suður-Múlasýslu.

1. gr.

Sveitarstjórn er heimilt að leggja gatnagerðargjald á lóðir í sveitarfélaginu eftir því sem nánar segir í reglugerð þessari.

2. gr.

Gatnagerðargjald þetta er:

A-gjald, sem er gjald vegna þátttöku lóðarhafa í kostnaði við að gera undirbyggða götu.

B-gjald, sem er gjald lagt á húseigendur til að greiða kostnað við varanlega gatnagerð, þ. e. bundið slitlag og gangstéttar.

3. gr.

Til útreiknings A-gjalds skal nota eftirfarandi einingatölur, miðaðar við byggingarvísitölu 250, sem breytast samkvæmt sömu vísitölu eins og hún er á hverjum þeim tíma sem gjaldið er lagt á.

		Kr.
1. Einbýlishús m/bifreiðageymslu	að 400m ³	52 000,00
2. Parhús	að 400m ³	42 000,00
3. Tvíbýlishús á tveimur hæðum. Tveggja hæða íbúðarhús á einni hæð, hver íbúð	að 400m ³	33 000,00
4. Raðhús á tveimur hæðum, hver íbúð	að 400m ³	25 000,00
5. Fjölbýlishús á tveimur hæðum með allt að 8 íbúðum, hver íbúð	að 300m ³	21 000,00
6. Fjölbýlishús á þremur hæðum eða fleiri með fleiri en 8 íbúðum, hver íbúð	að 300m ³	15 000,00
7. Verslunar-, skrifstofu- og skólahúsnæði	hver m ³	83,00
8. Iðnaðarhús og vörugeymslur	hver m ³	62,00
9. Umframstærðir í íbúðarhúsum	hver m ³	42,00
10. Lóðir	hver m ²	17,00

Ef byggt er við eldri hús og stærð þeirra verður meiri en lágmarksstærð, skal greiða sama gjald fyrir umframstærðir og áður greinir í 9. tölulið.

4. gr.

Til útreiknings B-gjalds skal nota eftirfarandi einingartölur, miðaðar við byggingarvísitölu 250, sem breytast samkvæmt sömu vísitölu, eins og hún er á hverjum þeim tíma, sem gjaldið er lagt á.

		Kr.
1. Einbýlishús m/bifreiðageymslu	að 400m ³	63 000,00
2. Parhús	að 400m ³	57 000,00
3. Tvíbýlishús á tveimur hæðum, tveggja hæða íbúðarhús með allt að 4 íbúðum og raðhús á einni hæð, hver íbúð	að 400m ³	40 000,00
4. Raðhús á tveimur hæðum, hver íbúð	að 400m ³	30 000,00
5. Fjölbýlishús á tveimur hæðum með allt að 8 íbúðum, hver íbúð	að 300m ³	25 000,00
6. Fjölbýlishús á þremur hæðum eða fleiri með fleiri en 8 íbúðum, hver íbúð	að 300m ³	18 000,00
7. Verslunar-, skrifstofu- og skólahúsnæði	hver m ³	101,00
8. Iðnaðarhús og vörugeymslur	hver m ³	76,00
9. Umframstærðir í íbúðarhúsum	hver m ³	101,00
10. Lóðir	hver m ²	20,00

Ef byggt er við eldri hús og stærð þeirra verður meiri en lágmarksstærð skal greiða sama gjald fyrir umframstærðir og áður greinir í 9. tölulið.

5. gr.

Gjaldldagi A-gatnagerðargjalda samkvæmt 3. gr. skal vera þegar byggingarleyfi er veitt. Þó er sveitarstjórn heimilt að veita gjaldfrest á hluta gjaldsins þar til byggingafrankvæmdir hefjast eða allt að 2 mánuði. Sé gjaldið þá eigi greitt er heimilt að stöðva frankvæmdir fyrirvaralaust þar til skuldin hefur verið greidd að fullu.

6. gr.

Upphæð B-gatnagerðargjalda samkvæmt 4. gr. skal miðast við þá byggingarvísitölu sem í gildi er þegar lagning bundins slitlags fer fram. Sé bygging heimiluð við götu, sem þegar hefur verið lögð bundnu slitlagi, miðast upphæð B-gatnagerðargjaldsins við þá byggingarvísitölu sem er í gildi, þegar byggingarleyfið er veitt, enda sé eigi lengri tími en fimm ár liðin frá því slitlag var sett eða gangstétt lögð.

7. gr.

B-gatnagerðargjald samkvæmt 4. gr. skal greitt á fjórum árum með jöfnum afborgunum. Lánin verði verðtryggt eða með sömu kjörum og Bygðasjóður lánar sveitarfélögum til varanlegrar gatnagerðar. Sé gjaldið staðgreitt verður gefinn 10% afsláttur.

Gjald dagar eru 15. júlí ár hvert, í fyrsta sinn sama ár og lagning bundins slitlags fer fram eða byggingarleyfi veitt samanber 6. gr. Lokagreiðsla skal þó ekki innheimta fyrr en endanlega hefur verið gengið frá viðkomandi götu.

8. gr.

Nú hefur gatnagerðargjald verið greitt af lóð sem sveitarfélagið hefur innheimt, og skal það þá gilda sem greiðsla á A-gjaldi. Hafi lóðarhafar hins vegar ekki greitt nein slík gjöld en eru með byggingu á byrjunarstigi þegar reglugerð þessi gengur í gildi, ber þeim að greiða samkvæmt 3. gr. þessarar reglugerðar.

9. gr.

Gatnagerðargjöldum fylgir lögveð í fasteign þeirri, sem þau eru lögð á og ganga þau ásamt vöxtum fyrir öllum veðkröfum, sem á eigninni hvíla, næstu tvö ár eftir gjalddaga og taka einnig til váttryggingarfjár eignarinnar.

10. gr.

Sveitarstjórn er heimilt að hækka eða lækka gjaldstuðlana í 3. og 4. gr. hvern um sig eða alla í einu um allt að 50% án frekari staðfestingar ráðuneytisins. Sveitarstjórn hefur fulla heimild til þess að endurskoða flokkun húsa í gjaldstuðla sbr. 3. og 4. gr. svo og gjöld einstakra gjaldenda, ef sérstakar ástæður eru til.

Reglugerð þessi sem samin er og samþykkt af hreppsnefnd Egilsstaðahrepps í Suður-Múlasýslu, staðfestist hér með samkvæmt lögum nr. 51 16. maí 1974 til að öðlast gildi þegar í stað.

Jafnframt eru úr gildi felldar reglugerðir nr. 85/1975 og nr. 256/1977 ásamt síðari breytingum, um gatnagerðargjöld í Egilsstaðahreppi.

Félagsmálaráðuneytið, 25. júlí 1986.

F. h. r.

Hallgrímur Dalberg.

Pórhildur Línal.